

Idi oojai ooji Paavora Filemón

1 ¹ Aana arPaavora, dai aagidiña aana oodami sai Suusi Cristo arcaagacara vuviadami mai cascada giñmaisaca. Aana lamadu Timoteo gaoojidi idi oojai aapi garaduñi Filemón aapi garsoicai garaa duiñdagara. ² Dai idi oojai arvaavoitudadami vaatará lara ismaacada ganmpaidi giquiyara dai siaa duutudai Diuusi, dai garaduñi Apia vaatará dai garaduñi Aquipo vaatará ismaacada garsoicai garaa duiñdagara lara. ³ Aatama ipalidi isDiuusi garooga lamadu qartaanadamiga Suusi Cristo caagacara gannajadagi dai ganiibastudacan tadacagi.

⁴⁻⁵ Maí aana isalia caga vaavoitudai aapi dai oigadai Suusi Cristo dai oigadai aapi vasi vaavoitudadami lara cascada alia baigiñalidi aana Diusicada daanitai sai gsoicaiña. ⁶ Daanai aana Diuusi sai soicaiña lagi ismaacada vaavoitu Suusi Cristo aidasi aapi aagidi Diuusi ñooquida. Daanai aana Diuusi sai soicaiña lagi iscaga maatana vasi istumaasi caagaducami ismaacada Suusi Cristo ivueeyi vasi vaavoitudadami vaatará. ⁷ Maí aana isaapi Filemón alia oigadai vaavoitudadami vai poduucai ganiibastacan tada lagi dai poduucai baigiñaliatudai aapima.

⁸⁻¹² Vasi imaacada aana ñooquiagi gapiñoñigabaru Onésimo vaatará. Tomasi alia oigadai aana goovai vascara movi angootosdi pai caga miaadagida. Aana arootosada Suusi Cristo cascada viaa aana samicami isgataañiagi aapi pasai caga miaadagidana Onésimo dai aapi samicada glaagai pasivuaadagi istumaasi glaagida aana. Damos aliasi garoigadai aatama cascada maitataanai aana dai baiyoma gdaanai pasai caga miaadagidana Onésimo. Aana Paavora casi arcalimudada dai apiagaaagidiña sai Suusi Cristo arcaagacara vuviadami cascada maisapi aana. Lquioma Onésimo maicaga gsoicaiña dai sivi gia arsoiñi goovai aapi gvaatará dai aana giñvaatará. Onésimo giñdiviji tami maisacara dai aidasi aana aagidi isSuusi Cristo arcaagacara vuviadami goovai vaavoitu dai cascada giñmara gducami goovai. ¹³ Alia baigiñaldamudai aana istanasi viimudai goOnésimo dai giñsoicadamudai tami maisacaruana poduucai isduucai giñsoicadamudai aapi istanai daacamudai. ¹⁴ Damos aana maitipalidi isviagi goovai maiquiaa giñmaacacai aapi oigaragai isviaa aana cascada baiyoma gootosdi aana. Damos sivi aapi istutuidi isgiñootosdagi pasipaliadagi maisiu guvucadagaicada. ¹⁵ GoOnésimo vaasqui ii giquiyaiñdara maitaagidacai. Damos sivi apamu glllamadu daacamu goovai. Aana polidi sai Diuusi poduucai idui sai vaavoitudana goovai dai sivi tomastuigaco glllamadu daacamu ¹⁶ maisiu amo pioñi duucai baiyoma amo gladuñi duucai dai alia oigadamu

aapi cavaavoitudacai λgai. Dai poduucai sioma λrcλλgai aapi γλνλλtarλ. Aana gia alia oigλdai, dλmos aapi gia glaagai isvaamioma oigλadagi, maisiu tomastuma cλλli duucai sivi gia λrgλaduñi vaavoitudadami goovai.

¹⁷ Pλsaapi gλaduñi duucai giñnλijadagi pai miaadλgida goOnésimo ducami iñsiλraanλcagi. ¹⁸ Issoimaasi gλaduñi goovai aidλsida λrgλpiooñiacatadai siλλpa isgλvuatuldiada goovai aana angλaa namλquidagi. ¹⁹ Aana Paavora angλoojidi giñnoovicλdλ dai aana gia gλaa namλquidamu. Aana gamaatλtuli isSuusi Cristo λrcλλgacλra garvuviadami pλtai poduucai cλλgacλra vuusai aapi goovai λrλmo istumaasi ismaacλdλ tomali λmo imidagai maitistutuidi aapi isgiñaa namλquidagi. ²⁰ Sλλlicλdλ giñaduñi aana ipλlidi isgiñsoiña aapi giñootosdacai Onésimo. Aatama λrgaraadunuma vaavoitudadami cascλdλ. Iduuñiñi aapi istumaasi glaagidi aana sipoduucai baigiñλliadamu aana.

²¹ Aana maata isgiñλλgida agai aapi cascλdλ gλoojidi. Dai maata aana isvaamioma iduñia agai aapi maisiu mosλcaasi istumaasi glaagidi aana. ²² Dai baigi duuca siaaco giñuuliña aana. Aapimλ daanλi Diuusi ansai vuusaiña aana tabiaadλra dai aana polidi isDiuusi giñmaquia agai oigaragai isvusia aana tabiaadλra.

²³ Diuuscλdλ gλviaatuldi giñaduñi Epaafarasi ismaacλdλ giñλλmadu maisapi gaaagiditai λλpa isSuusi Cristo λrcλλgacλra garvuviadami.

²⁴ Dai Diuuscλdλ gλviaatuldi λλpa Marcusi, dai Aristarco, dai Deemasi, dai Ruucasi ismaacλdλ giñsoicλi aa duiñdagilra.

²⁵ Vai qartaanλdamiga Suusi Cristo cλλgacλra gannλidiña. Mosλcaasi.